

HarISA - međunarodna saradnja na harmonizaciji doktorskih studija u području zaštite biljaka u okviru održive poljoprivrede



Poljoprivredno-prehrambeni fakultet Univerziteta u Sarajevu partner je u okviru obrazovnog projekta pod nazivom:

HarISA - Harmonization and Innovation in PhD Study Programs for Plant Health in Sustainable Agriculture.

Ovaj projekat je od izuzetne važnosti za održivu poljoprivrednu proizvodnju i sveobuhvatnu brigu za zdravlje biljaka jer uključuje razvoj i primjenu sofisticiranih metoda zaštite bilja baziranih na najnovijim naučnim saznanjima. Bez visokoobrazovanih stručnjaka koji dobro poznaju problematiku svih aspekata zaštite biljaka u održivoj poljoprivrednoj proizvodnji nemoguće je ostvariti održivost poljoprivredne proizvodnje.

Projekt **HarISA** odobren je u sklopu programa Erasmus+, a u području *Jačanje kapaciteta u visokom obrazovanju* od strane Europske agencije za obrazovanje, audiovizualnu politiku i kulturu (EACEA). Ovaj projekt ima ambiciju uskladiti i modernizirati doktorsko obrazovanje na području zapadnoga Balkana te stvoriti mrežu istraživača sposobnih za odgovor na trenutne izazove u oblasti zdravlja biljaka.

Projektom se želi osigurati potpora modernizaciji i internacionalizaciji visokoga obrazovanja u području zaštite biljaka te pridonijeti saradnji između Europske unije i zemalja zapadnoga Balkana u provođenju politike Europske unije vezane za zaštitu biljaka. Također, želi se osigurati sticanje naučnih spoznaja i prijenos vještina i kompetencija za postizanje održive uporabe pesticida i primjenu načela integrirane zaštite biljaka u poljoprivrednoj proizvodnji.

Koordinator projekta je Sveučilište u Zagrebu, odnosno Agronomski fakultet koji na istom učestvuje u saradnji sa partnerima iz zemalja Europske unije: Hrvatska, Italija, Bugarska i Grčka i zemalja tzv. regije Zapadni Balkan: Bosna i Hercegovina, Srbija, Crna Gora i Albanija.

Projektom će se postići **specifični ciljevi**: uskladiti, unaprijediti i modernizirati programe doktorskoga studija iz područja zaštite zdravlja biljaka među partnerskim univerzitetima da bi se povećale sposobnosti doktora nauka za odgovor na globalne probleme u oblasti zaštite biljaka; razviti zajednički okvir i nacrt nastavnoga programa međunarodnoga združenog doktorskog studija u zaštiti biljaka; poticati regionalnu integraciju u području istraživanja i obrazovanja za zaštitu zdravlja biljaka unutar zemalja zapadnoga Balkana i između zemalja zapadnoga Balkana i EU zemalja.

<https://www.facebook.com/harisa.project/>

<https://harisa.site123.me/>

